



Ang Kaarawan ni Neema
Godfrey Mishomari
Khalifa R. Khalifa





Malalim na pinag-isipan ni Neema ang kaniyang kaarawan.

"Pareho ba tayo ng petsa ng kapanganakan?" tanong niya sa kaniyang mga kaibigan. "

Ang sabi sa akin ni Nanay ay ipinanganak ako noong ika-29ng Pebrero.

Wala sa kaniyang mga kaibigan ang may kapareho sa kaniya.




Tinanong ni Neema ang kanyang ina, “Nay, Hindi po natin ipinagdiwang ang aking kaarawan ko nung nakaraang taon. Paanong ipinagdiriwang ng kaibigan kong si Anna ang kanyang kaarawan taun-taon?”



Sabi ng kaniyang Nanay, "Kaunting tiis lang, Neema. Darating din ang iyong kaarawan at 'pag nangyari iyon ay magdiriwang tayo nang magarbo. Iimbitahin natin lahat ng 'yong mga kaibigan."



Tugon ni Neema, "Pero 'Nay, naghintay din ako noong nakaraang taon. Natapos na ang taon pero hindi naman dumating ang kaarawan ko."




"Noong kaarawan ni Anna, ang dami naming ibinigay sakaniyang mga regalo at binati namin siya. Kumain kami at kumanta ng mga magagandang kanta. Napakasaya naming lahat. Gusto ko ring imbitahin lahat ng aking mga kaibigan para makakain, makapaglaro at makakanta rin kami."



“Wag kang mag-alala, Neema,” sabi ng kaniyang Nanay. “Hindi ba’t ang kaarawan mo ay sa isang linggo na? Magdiriwang tayo nang magarbo.” Ngunit hindi naniwala si Neema. Paano kung hindi nanaman dumating ang kaniyang kaarawan, katulad nang nakaraang taon?



Makalipas ang isang linggo, ika-29na ng Pebrero! Nasasabik na si Neema. Dumating rin sa wakas ang kaniyang kaarawan! "Kaarawan ko na!" sigaw niya.



Dumating ang mga kaibigan ni Neema. Lahat sila ay may dalang regalo. Ang kaniyang mga magulang ay may regalo din sakaniya: isang makulay na sumbrero. Bagay ito sakaniya! Tiningnan ni Neema ang kaniyang mga regalo. Ang dami nito! Sabi ng kaniyang Nanay, "Neema, ang kaarawan mo ay ipinagdiriwang tuwing leap year, na nangyayari lamang bawat apat na taon."



"Salamat, Tatay. Salamat, 'Nay. Paalam
Pebrero 29. Magkikita tayong muli matapos
ang apat na taon!"

Brought to you by



The Asia Foundation

Let's Read is a program of The Asia Foundation that supports early reading skills and habits to develop our next generation of critical thinkers and creative innovators in Asia and the Pacific.

To read more books like this and get further information,
visit: letsreadasia.org

Original Story

Ang Kaarawan ni Neema (*Neema's Birthday*). Author: Godfrey Mishomari. Illustrator: Khalifa R. Khalifa.

Published by Room to Read, © Room to Read. Released under CC-BY-4.0.

This work is a modified version of the original story. © The Asia Foundation, 2022. Some rights reserved. Released under CC-BY-4.0.



For full terms of use and attribution,
<http://creativecommons.org/licenses/by/4.0/>

Contributing translators: Elizabeth May, Jemma Ramos, Perrie Esansa, and Orland Solis